



Broj: 02-05-2579/17
Lukavac, 11.12.2017.godine

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-2579/17 od 08.12.2017. godine, u postupku nabavke usluga kolektivnog osiguranja zaposlenih u općini Lukavac, Općinski načelnik d o n o s i

O D L U K U

o izboru najpovoljnijeg ponuđača za nabavke usluga kolektivnog osiguranja zaposlenih u općini Lukavac

Član 1.

Prihvata se preporuka Komisije za provođenje postupka javne nabavke broj: 02-05-2579/17 od 08.12.2017. godine i Ugovor za javnu nabavku usluga kolektivnog osiguranja zaposlenih u općini Lukavac, dodjeljuje se ponuđaču "SARAJEVO OSIGURANJE" D.D. PODRUŽNICA TUZLA, na osnovu ponude broj: 9544/17 od 21.11.2017. godine i konačne rang liste nakon završene e-aukcije, za ponuđenu cijenu u vrijednosti od 4.872,00 KM bez PDV-a., kao najpovoljnijem ponuđaču.

Član 2.

Prijedlog Ugovora o nabavci dostavit će se na potpis izabranom ponuđaču nakon isteka roka od 10 (deset) dana, računajući od dana kada su svi ponuđači obavješteni o izboru najpovoljnije ponude.

Član 3.

Ova odluka objavit će se na intrenet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.



O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-2578/17 od 06.11.2017. godine. Javna nabavka sprovedena je konkurentnim postupkom nabavke. Procijenjena vrijednost javne nabavke bez PDV-a je 5.700,00 KM.

Obavještenje o nabavci broj: : 719-7-2-93-3-61/17 objavljeno je na Portalu javnih nabavki dana 07.11.2017. godine.

Komisija za provođenje postupka nabavke imenovana Rješenjem broj: 02-05-2658/17 od 08.11.2017.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-2579/17 od 30.11.2017. godine, zapisnik o pregledu i ocjeni ponuda broj: 02-05-2579/17 od 08.12.2017. godine, Preporuku o izboru najpovoljnijeg ponuđača broj: 02-05-2579/17 od 08.12.2017. godine i Izvještaj o radu broj: 02-05-2579/17 od 12.11.2017.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno pet ponuda;
- da je blagovremeno primljeno pet ponuda;
- da nije bilo neblagovremeno primljenih ponuda;
- da su ponude ponuđača "SARAJEVO OSIGURANJE" DD SARAJEVO, PODRUŽNICA TUZLA, "BOSNA SUNCE OSIGURANJE" DD SARAJEVO, PODRUŽNICA TUZLA, "TRIGLAV OSIGURANJE" D.D. PODRUŽNICA TUZLA, "CENTRAL OSIGURANJE" D.D. PODRUŽNICA TUZLA, kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;
- da Ponuđač "DRINA OSIGURANJE" AD MILIĆI, FILIJALA TUZLA, nije dostavio uredno numerisanu ponudu, odnosno stranice ponude nisu označene brojem na način da je vidljiv redni broj stranice, kako je traženo tačkom 13. stav 9. tenderske dokumentacije, te se ista ponuda odbacuje na osnovu člana 13. stav 11. Tenderske dokumentacije i tačke 68. stav 4. tačka i) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 5.700,00 KM i da je kriterij za dodjelu ugovora najniža cijena.

Ponuđač "SARAJEVO OSIGURANJE" DD SARAJEVO, PODRUŽNICA TUZLA, dostavio je prihvatljivu ponudu sa konačnom cijenom nakon e-aukcije u iznosu od 4.872,00 KM bez PDV-a .

Iz navedenih razloga, primjenom člana 64. stav (1) tačka b) Zakona o javnim nabavkama , člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac, a izjavljuje se uredu za razmatranje žalbi - Filijala Mostar. Žalba se podnosi u najmanje (3) tri primjerka.



OPĆINSKI NAČELNIK

dr. sci. Edin Delić

Dostaviti:

1. "SARAJEVO OSIGURANJE" DD SARAJEVO PODRUŽNICA TUZLA
2. "DRINA OSIGURANJE" AD MILIĆI, FILIJALA TUZLA
3. "BOSNA SUNCE OSIGURANJE" DD SARAJEVO PODRUŽNICA TUZLA
4. "TRIGLAV OSIGURANJE" D.D. PODRUŽNICA TUZLA
5. "CENTRAL OSIGURANJE" D.D. PODRUŽNICA TUZLA